

南  
北  
史  
合  
注

欽定四庫全書

南北史合注卷十

明 李清 撰

南史十

東晉庾亮字元規，自號亮公，先字與國，小字法生，吳興長城下  
石里人。亮少懷弘志，其本甚微，自云漢太邱長實之後八傳。

至達永嘉中南還，為丞相掾，太子洗馬，出為長城令。悅  
其山水，遂家焉。嘗謂所親曰：「此地山水秀麗，當有王者。」

興二百年後我子孫必鍾斯運達生康復為丞相據咸  
和中土斷故為長城人康六傳至安成太守猛猛生太  
常卿道巨道巨生皇考文讚高祖以梁天監二年癸未  
歲生少倣儻有大志長於謀畧意氣雄傑不事生產及  
長涉獵史籍好讀兵書明綿侯孤虛遁甲之術多武藝  
明達果斷為當時推服身長七尺五寸日角龍顏垂手  
過膝嘗遊義興館於許氏夢天開數丈有四人朱衣捧  
日而至納高祖口及覺腹內猶熱心獨喜初仕鄉為里

司後至建鄴為油庫史徙為新諭侯蕭映傳教勅于其事為映所賞及映為吳興太守甚重高祖謂僚佐曰此人將來遠大必勝於我及映為廣川高祖為中直兵參軍隨之鎮映令高祖招集士馬先是武陵侯蕭諮為文州刺史以嚴刻失和士人李賁連結數州豪傑同時反臺遣州相貴史孫罔新州刺史盧子雄將兵擊賁罔等不時進皆於廣州伏誅子雄弟子畧與罔子侄及其主帥杜天合杜僧明共舉兵執南江督護沈顛進寇廣州

晝夜苦攻州中震恐高祖率精兵救之賊衆大潰僧明  
後有功業遂降梁武帝深嘆異馬授直閤將軍封新枋  
縣子仍遣圖高祖貌觀之其年冬蕭映卒明年高祖送  
喪還至大庾嶺會有詔以高祖為交州司馬與刺史楊  
標南討高祖益詔勇敢器械精利

姚思廉陳書載暎喜曰能克賊者必陳司馬也

暎季以經畧時蕭勃為定州刺史會于西江勃知軍士  
憚遠役因詭說留暎暎集諸將問計高祖曰交趾叛渙

罪由宗室節下奉辭伐罪當死生以之

陳書載高祖言曰今若奪人阻衆何必向交州討賊  
問罪之師即回有所指矣

於是鼓行而進軍至交州暕推高祖為先鋒所向摧陷  
陳書曰賁走典徹湖於屈僚界立砦大造船充寒湖  
中衆軍憚不敢進高祖曰我師已老歷歲相待恐非  
良計一孤軍無援入人心腹一戰不勝豈望生全今  
藉其屢奔人情未固夷僚又烏合易摧當共出百死

力取之諸將皆莫應是夜江水暴起七丈注湖中高祖勒部兵乘流先進衆軍鼓譟俱前賊衆大潰

賁竄入屈僚洞中屈僚斬賁傳首建鄴是歲太清元年也賁戒進圍遁入九真與却帥李紹隆收餘兵殺德州刺史陳文戒進圍愛州高祖又討平之除西江督護高要太守督七郡諸軍事二年冬侯景寇逼高祖將赴廣州刺史元景仲陰圖高祖高祖知之與成州刺史王懷明等集兵南海馳檄討景仲景仲縊于閣下乃迎

勃鎮廣州時臨賀內史歐陽頎監衡州蘭裕蘭京禮扇  
誘始興等十郡共攻頎頎請援於勃勃令高祖救之悉  
裕等仍監始興郡事高祖遣杜僧明胡頴將二千人頓  
於嶺上并厚結始興豪傑同謀義舉侯安都張德等率  
衆來附蕭勃聞之遣鍾休悅說停高祖高祖泣謂休悅  
曰君辱臣死誰敢愛命

陳書袁景悅說曰侯景驍雄援軍十萬猶莫能當君  
區區之衆將何所之未若且住始興保此太山高祖



曰今者都覆沒主上蒙塵君辱臣死誰敢愛命君侯休  
體則皇枝任重方岳不能摧鋒萬里雪此寃痛見遣  
一軍猶言乎已乃降後旨使人慨然

僕行計決矣時蔡路養起兵據南康勅遣腹心譟世遠  
為曲江令與路養相結同過義軍太寶元年正月高祖  
發始興次大庾嶺大破路養并進頓南康相東王繹承  
制授高祖交州刺史改封南野縣伯于是修理崎頭古  
城徙居之劉東騫等望見恒有紫氣冒城上遠近驚異

故惠騫等深自結於高祖尋改封長城縣侯南江州刺史時寧都人劉藹等資高州刺史李遷任舟艦兵伏將襲南康高祖遣杜僧明等據白口禦之二年僧明擒遷仕送南康斬之

太清紀曰遷仕追霸先于雩都縣連營相持百餘日  
是月廣州刺史蕭勃遣歐陽隗水部萬餘人來援隗  
與戰大敗之斬遷仕餘黨皆降霸先引軍前進與此  
不同

承制授高祖江州刺史高祖發南康南康瀆石舊有二  
十四灘灘多巨石行旅以為難高祖之發水暴起數丈  
三百里間巨石皆沒進軍頓西昌有龍見水濱高五丈  
五采鮮明軍民觀者數萬高祖又嘗上坐胡牀于閣下  
忽有神光滿閣廊廡間趙知禮侍側怪問高祖笑而不  
答時承制遣征東將軍王僧辯督衆軍討侯景次彭城  
高祖率杜僧明等合三萬將會焉西軍乏食高祖先貯  
軍糧五十萬石至是分三十萬石資之仍頓巴丘會侯

景廢簡文立豫章嗣王棟高祖遣兼長史沈家奉表於  
江陵觀進仍制授高祖東揚州刺史領會稽太守三年  
高祖帥師發自豫章二月次桑落州時僧辨已發益城  
會高祖于白茅灣乃登岸結壇州杜益約進次大雷軍  
人杜稜夢雷池君周何人自稱征討大將軍乘船航陳  
甲伏稱下征侯景須臾便還云已殺侯景竟三月高祖  
與諸軍進克姑熟仍次蔡洲侯景登石頭城望官軍之  
盛不悅曰一把子人耳何足攻密謂左右曰此軍上有

紫氣易未當也乃以般舫貯石沉塞淮口緣淮作城自石頭迄青溪十餘里中樓雉相接僧辯遣杜崩問計於高祖高祖以諸將不敢當鋒請先往立柵

陳書載高祖曰前柳仲禮數十萬兵隔水而生常祭在青溪竟不渡岸賊登岸望之表裡俱盡遂覆王師今圍石頭須渡北岸若諸將不能當鋒請先往立柵即於石頭西橫瓏築柵衆軍次連入城直出東北賊恐西州路斷亦於東北果林作五城以遏大路

陳書載景率衆萬餘人鐵騎八百餘匹結陣而進  
高祖曰善用兵者如常山之蛇使救首救尾困而無暇  
今我師既衆賊徒甚寡應分賊兵力以弱致強何故聚  
其鋒銳令必死於我乃命諸將分處致兵高祖與王琳  
杜龕等悉力乘之景衆大潰

陳書曰初賊直衝王僧志僧志小却徐度頌弩手二  
千橫截其後賊乃却高祖與王琳等乘之賊退據其  
柵邊主戴冕等攻拔果林一城衆軍又克其四城賊

復還死戰盡奪所得城柵高祖怒親率攻之士卒騰柵入城復走景與百餘騎棄稍執刀左右衝陣不動乃大潰遂北至西明門景不敢入城而遁會景將郭元建奔齊納其部曲三千而還

僧辯啟高祖鎮京口五月齊遣將辛術圍嚴紹達於秦郡高祖命徐度領兵助其固守齊衆起土山穿地道攻之甚急高祖乃自率萬人解其圍振旅南歸承制授高祖征北大將軍開府儀同三司南徐州刺史進封長城

縣公及王僧辯征陸納于湘州承制命公伐鎮揚州承  
聖二年湘州平公旋鎮京口三年三月進公位司空及  
魏平江陵公與王僧辯等所啓請晉安王以太宰承制  
十二月晉安王至自尋陽入居朝堂給公班劍二十人  
四年五月齊送貞陽侯淵明還主社稷王僧辯納之淵  
明即位改元天成以晉安王為皇太子初齊納淵明公  
固爭之以為不可僧辯不從公居嘗憤嘆曰

陳書載高祖曰武王雖磐石之宗遠布四海克雪讐



恥惟孝元而已

嗣主武皇之孫元皇之子海內屬目竟有何罪坐致廢黜假立非次此情可知

愚謂若霸先繼僧辯後能守臣節老則此言為正論此事為義舉乃輔政未煖席遽行篡弑不知武皇之孫元皇之子竟有何罪又不知死之日何顏見僧辯他年身嬰焚骨之慘子罹溺江之酷天道哉

乃密其袍數千領及錦綿金銀為賞賜之資九月壬寅

公謀於徐度侯安都周文育仍部列將士水陸俱進夜  
發南徐州襲王僧辯甲辰公至石頭前遣勇士自城北  
踰入時僧辯方視事聞外白有兵自內出遽走公太兵  
尋至

陳書曰僧辯衆寡不敵走登城南門樓

因風縱火僧辯就擒是夜鎡之及其子頽於是廢淵明  
復奉晉安王稱帝改承聖四年為紹泰元年壬子詔授  
公侍中大都督中外諸軍事車騎將軍楊南徐二州刺

史持節司空班劔鼓吹並如故仍詔甲仗百人出入殿  
省震州刺史杜龕據吳興與義興太守常戴舉兵圍公  
辛未公表自東討留高州刺史侯安都石州刺史杜稜  
宿衛臺省甲戌軍至義興秦州刺史徐嗣徽據城入齊  
又要南務州刺史任約舉兵應龕齊人資其兵食嗣徽  
乘虛安至闕下安侯都出戰嗣徽等退據石頭丁丑載  
及龕從弟北叟來降公撫而釋之仍命載兄鼎知郡事  
公以嗣徽寇逼卷甲還都命周文育進討之杜龕十一

月己卯齊遣兵五千渡據姑熟又遣安州刺史翟子崇  
楚州刺史劉士榮淮州刺史柳達摩兵萬人向胡墅  
渡米粟三萬石馬千匹八石頭公遣侯安都領水軍夜  
襲胡墅焚齊舟周鐵虎率舟師斷齊運輸公領鐵騎自  
西明門襲之齊人大潰嗣徽留達摩等守城自率屬親  
腹心往南州採石以迎齊授先是太白自十一月丙戌  
不見十二月己卯出于東方丙辰公盡命衆軍分部甲  
卒對冶城立航渡兵攻其水南二寨柳達摩等渡淮置

陣公督兵疾戰縱火焚柵烟塵張天齊人大潰

陳書曰時民夾淮觀戰呼聲震天地軍士乘勝無不  
一當百

盡收其船艦是日嗣徽納等領齊兵還據石頭還遣侯  
安都領水軍襲破之嗣徽等單舸脫走丁巳拔石頭南  
岸柵移渡北岸起柵以絕其汲路又烟塞東門故城中  
諸井齊所據城中無水水一合買米絹一疋或炒米食  
之達摩謂其衆曰頃在北童謠曰頃在此童謠云石頭

擣西襠擣青復擣黃侯景服青已倒於此今吾徒衣黃  
豈誣言驗耶唐申達摩遣侯子欽劉士榮等請和公許  
之乃於城外刑牲盟約其將士部曲恣其南北辛酉公  
出石頭南門陳兵送齊人歸北者及至齊人殺之壬戌  
齊和州長史烏南遠自南州奔還厯陽江寧令陳嗣黃  
門侍郎曹朗據姑熟不從公命侯安都徐度等討平之  
斬首數千聚為京觀

陳書曰石頭采石南州皆平收獲馬仗船米不可勝

計

是月杜龕以城降二年正月癸未誅龕其龕從弟北叟  
叟司馬沈孝敷並賜死三月戊戌齊遣水軍儀同蕭軌  
庫秋伏連堯難宗東方老侍中裴英起東廣州刺史獨  
孤僻惡洛州刺史李希光并狂約徐嗣徽王僧惜等衆  
十萬出柵口向梁山帳內盪主黃叢送擊敗之燒其前  
軍船艦齊頓軍保蕪湖

陳書曰自去冬至是甘露頻降于鍾山梅岡南澗及

京口江寧或至數升大如奕棊子

五月丙申齊兵至秣陵故城己亥公率宗室王侯及朝臣於大司馬門外白虎闌下刑牲告天以齊人皆約發言慷慨涕泗交流士卒觀者益奪辛丑齊軍于秣陵故城跨淮立橋柵引渡兵馬癸卯自方山進及兒塘游騎至臺都下震駭公潛以精卒三千配沈泰渡江襲齊行臺趙彥深於瓜步獲舟百餘艘陳粟萬斛六月甲辰齊兵潛至鍾山龍尾丁未進至莫府山公遣錢明領水軍



出江城要擊齊人糧運盡獲之齊軍大餒殺馬驢而食  
壬子齊至至玄武湖西北莫府山南將據北郊壇衆軍  
自覆舟東移頓郊壇北與齊人相對其夜大雨雷電暴  
風拔木平地水丈餘齊軍晝夜坐立泥中縣鬲以糞足  
指皆爛而臺中及潮溝北水退路燥官軍每得番易甲  
寅少霽是時食盡調市人餽軍皆是麥屑為飯以荷葉  
裡而分給間以麥餅兵士皆困會世祖遣送米三千石  
鴨千頭公即炊米煮鴨誓申一戰士及防身計糧數嚙

人人裹飯混以鴨肉帝命衆軍蓐食之攻之

陳書載公自率帳內麾下出幕府山南吳明徹沈泰等衆軍首尾齊舉縱兵大戰侯安都自白下引兵橫出其後

齊軍大敗執嗣徽及其弟嗣勅斬之以徇擄蕭軌東方老王敬寶李希光裴英起王僧智等將帥四十六人其軍士得竄至江者縛筏以中江而溺流屍至京口者彌岸惟任約王僧愔獲免萬是以誣云虜萬夫入五湖

城南酒家使鹵奴自晉家以後經絳在魏境江淮以北  
南人為呼為鹵是時以賞俘買酒者一人裁得一醉丁  
已眾軍出南門焚敵舟己未斬劉歸義徐嗣產傅野豬  
于建康市是日解嚴庚申誅蕭軌東方老王敬寶李希  
光裴英起等太平元年九月壬寅進公位丞相錄尚書  
事鎮衛大將軍揚州牧進封義興郡公

陳書載丁未中散大夫王彭歲稱今年五日平旦于  
御路見龍跡自大社至象闕亘三四里

庚申追贈公考侍中光祿大夫封義興郡公諡曰恭十  
月甲戌天子敕丞相自今問訊可施別榻以近房生二  
年正月壬寅詔加公班劔十人并前為三十丁未詔贈  
公兄道談南袁州刺史長城縣公諡昭烈公弟休光侍  
中南徐州刺史武康縣侯諡中壯甲寅遣弟侍中謁者  
僕射陸繕策拜長城縣夫人章氏為義興國夫人丁卯  
詔贈公祖侍中太常卿諡曰孝追封公祖妣許氏吳郡  
嘉興縣君諡曰敬公妣張氏義興國太夫人諡曰宣二

月庚午蕭勃舉兵自廣州渡嶺頓南康遣其將歐陽頔  
傳太及其子孜為前軍至豫章分屯要險南江州刺史  
余孝頃起兵應勃公命周文育侯安都率眾討平之八  
月甲午進公位太傅加黃鉞劔履上殿入朝不趨贊拜  
不名丙申加前後部羽葆鼓吹是時湘州刺史王琳擁  
兵不應命公遣周文育侯安都率兵攻之九月辛丑天  
子進公位相國總百揆封十郡為陳公備九錫禮加璽  
綬遠遊冠綠綬綬位在諸侯王上策曰大哉乾元資日

月以貞觀至哉坤元憑山州以載物故惟天為大陟配  
者欽明惟王建國翼輔者齊聖是以文武之佐礪溪蘊  
其玉璜堯舜之臣滎河鏤其金板况乎體得一之臣安  
寧陽九之危危援橫流之碣石撲燎火於昆岡驅馭于  
常彭跨蹶於齊晉神功行而靡用聖道運而無名者乎  
今將授公典策其敬聽朕命日者昊天不弔鍾亂于我  
國家網漏吞舟彊胡內鼎茫茫宇宙惴惴黎元方趾圓  
顛萬不遺一太清否亢橋山之痛以深大寶屯如陽之

金史卷之八十一  
第廿一  
禍相繼上宰應運康救兆民鞠旅于溟池之南揚旗于  
桂嶺之北懸三光于已墜鑑四海于羣飛先啓中興此  
則公之大造于王家者也既而天未悔禍夷醜荐臻南  
夏崩騰西京蕩覆冢司昏撓旁引寇讐既見貶桐宮方  
謀危漢閣

陳書曰願影于荼儒之醜甘心于甯御之辱却按下  
警求哀之路莫從竊鉄逃責客身之地無所

皇運已殆何殊贅施中國搖然非徒如綫公赫然投袂

匡救本朝復莒齊都平戎王室朕所以還膺寶歷重履  
宸居挹建武風猷歌宣王雅頌此言公之再造於皇家  
者也公應務之初登庸惟始生盧肇霧越弱為火番部  
陷危勢將淪殄公赤旗所指祆壘洞開白羽纜偽凶徒  
粉潰此又公之功也大同之末邊政不修李贲狂達竊  
我交愛公英蕃雅算電掃風行馳御樓船直跨滄海三  
山僚洞八角蠻陬逝矣水寓之鄉悠哉火山之國馬援  
所不屆陶璜所未聞莫不懼我王靈爭朝邊侯歸琛天



府獻狀鴻臚此又公之功也自寇鹵陵江宮闡幽辱而  
番隅連率本自諸夷言得其朋是懷同惡公仗此忠誠  
乘機勦定執沛令而釁鼓平新野而據鞍此又公之功也  
世道初艱方隅多難公以國盜邊警知無不為恤是同  
盟誅其醜類南土黔黎重保蘇息此又公之功也長驅  
嶺嶠夢想京畿緣道首邁為榛梗路養渠師全據大都  
蓄聚通逃方謀阻亂公龍驤虎步嘯叱風雲山靡堅城  
野無疆障清妖氛於潑口滅沴氣於雩都此又公之功

也遷仕凶慝屯據大阜乞活類馬騰之軍流民多杜強  
之衆公坐揮三畧遙制六奇義勇同心銳鏘聘力雷奔  
電擊谷靜山空列郡無太吠之驚叢祠罷狐鳴之盜此  
又公之功也王師討鹵次屆淪波兵乏無儲士有飢色  
公回麾彭蠡積穀巴坵億庾之詠斯豐壺漿之迎是衆  
故使三軍勇銳百戰前前承此兵糧遂殄凶逆此又公  
之功也益壘猜携用淹戎畧公志惟同獎師克在和屈  
禮交盟神祇感咽故能使舟師並路遠遁崩心此又公之

功也姑熟襟要嶠函阻憑寇鹵據其闕梁大盜負其扁  
鎬公一校絕搗三雄並奮左賢右角沙漬土崩鄂板之  
隘斯開夸庚之道無塞此又公之功也義軍大衆俱集  
帝京逆豎凶徒猶屯皇邑公回茲地軸抗此天羅曾不  
崇朝俾無遺噍

陳書曰楚人滿道爭覩於葉公漢老啣悲俱歡于司  
隸

此又公之功也內難初靜諸侯出關外郡傳烽鮮卑犯

塞

陳書曰冀馬列於淮南胡笳動於徐北

公舟師步兵亘野橫江殲厥羣氏遂殫封豕此又公之功也公克黜禍難劬勞皇室而孫甯之黨翻啓秋人伊洛之間咸為鹵戌朝聞戎塵夜喧胡鼓公三籌既畫八陣斯張裁舉靈鉦亦抽金縢咸俘醜類悉反高墉此又公之功也任約叛渙梟聲不悅戎羯貪婪狼心無改公左甄右落箕張翼舒掃是攬槍其檢旣投秦阮而盡沸

喧渥水而不流此又公之功也一相居中自折彘鼎五湖小守妄懷同惡公夙駕兼道衣製仗戎玉斧將揮金鉦且戒妖首震懼遽請反釘此又公之功也賊龔凶橫陵虐具區阻兵安忍憑災怙亂公雖宗居汝穎世寓東南眷言桑梓公私忍切戮此大憝如烹小鮮此又公之功也同姓有扈頑凶不賓憑藉宗盟圍危社稷公論兵于廟堂之上決勝于樽俎之間寇賈拱膝浮江下瀨一朝剪撲無待旬師此又公之功也豫章妖寇依憑山澤

繕甲完聚多歷歲時結縱連橫受洎交廣呂嘉既獲吳  
渙已擬命我還師征其不恪連營盡拔偽黨斯擒此又  
公之功也自八紘九野爪部豆分竊帝偷王連州比縣  
公武靈已暢文德又宣折簡馳書風猷斯遠

陳書曰滄滄浴日杳杳無雷北洎大夫之御南踰女  
子之國莫不屈膝膜拜求吏效闕

此又公之功也京師禍亂亟積寒暄雙闕低昂九門寥  
豁

陳書曰寧秦宮可頽豈魯殿猶存

公求衣昧旦仄食高春興構宮闈具瞻遐邇郊庠宗社  
之典六符十等之章還聞太始之風流重覩永平之遺  
事此又公之功也公有濟天下之勲重之明德凝神體  
道合德符天周百姓以為心隨萬機以成務上德不德  
無為以為夏長春生顯仁藏用功德化洽樂奏咸雲安  
御人禮兼文質是以天無蘊寶地有呈祥既景渙於國  
書方藏蕤于史牒高勳踰于象緯積德冠於崇華固無

無德而稱者矣朕又聞之前王宰世茂賞尊賢或樹藩  
長總征羣伯二南崇絕四履遐曠泱泱表海祚土維齊  
巖巖泰山俾侯于魯况復經營宇宙寧惟斷鼇足之功  
弘濟蒼生非直鑿龍門之險而疇庸報德寂爾無聞朕  
所以垂拱當宁載懷慚悖者也今授公相國以南豫州  
之陳留南丹陽宣城之州之吳興東陽新安新寧南徐  
州之義興江州之鄱陽臨川十郡封公為陳公錫茲青  
土苴以白茅爰定爾邦用建宗社昔且夷分陲俱為保



師晉鄭諸侯咸作卿士兼其內外禮實攸宜今命使持節兼太慰王通授相國印綬陳公璽拔使持節兼司空王瑒授陳公茅土金虎符第一至第五左竹使符第一至第十左相國秩踰三鉉任摠百司位絕朝班禮由事革以相國摠百揆除錄尚書之號上所假節侍中貂蟬中書監印章中外都督太傅印綬義興公印策其鎮衛大將軍揚州牧如故又加九錫其敬聽後命以公禮為楨幹律等銜策四維皆舉八柄有章是用錫公大輅戎

輅各一玄牲二駟以公賤寶崇穀䟽爵待農室富京抵  
人知榮辱是用錫公衮冕之服赤舄副馬以公調理陰  
陽燮諧風雅三靈允降萬國同和是用錫公軒縣之樂  
八佾之舞以公宣導王猷弘闡風教光景所照觀象必  
通是用錫公朱戶以居以公抑揚清濁褒德進賢髦士  
盈朝幽人虛谷是用錫公納陛以登以公巍然廊廟為  
世鎔範折衝四表臨御八荒是用錫公武賁之士三百  
人以公範茲明罰期在刑厝象恭無赦干紀必誅是用

鈇公鈇鉞各一以公英猷遠量跨厲嵩滇包一車書括  
囊寰寓是用錫公彤弓一彤矢百盧弓十盧矢千以公  
天經地義貫徹幽明春露秋霜允供藻盛是用錫公柅  
皂一由圭瓚副馬陳國置丞相以下一遵舊式往欽哉  
其恭循朕命克相皇天弘建邦家允興鴻業以光我高  
祖之休命十月戊辰又進公爵為王以揚州之會稽臨  
海永嘉建安南徐州之晉陵信安江州之尋陽豫章安  
成廬陵并前為二十郡益封陳國其相國揚州牧鎮衛

大將軍並如故又命王冕十有二旒建天子旌旗出警  
入蹕乘金根車駕六馬備五時副車置旄頭雲罕樂舞  
八佾設鐘虞宮縣王妃王子王女爵命之號陳臺百官  
一依舊典辛未天子禪位于陳策曰咨爾陳王惟昔上  
古厥初生人驪連稟陸之前容成大庭之世杳冥恍惚  
故靡得而議焉自羲皇軒昊之君陶唐有虞之主或垂  
衣而御四海或無為而子萬姓居之如馭朽索去之如  
脫弊履裁遇許由便能捨帝暫逢善卷即以讓王故知

玄扈璇璣非闕尊貴金根玉輅示表君臨及南觀河渚  
東沈刻壁菁華既竭耄勤已倦則抗首而笑惟賢是與  
謗然作歌簡能斯授遺風餘烈昭晰圖書漢魏因循是  
為故實宋齊授受又弘斯義我高祖應期撫運握樞御  
宇三后重光祖宗齊聖及時屬陽九封豕荐食西都失  
馭夷狄交侵乃象天成輕弄龜鼎慄慄黔首若豈厥角  
歲皇極將甚綴旒惟王乃聖乃神欽明文思二儀並運  
四時合序天錫智勇人挺雄傑銖庭日角龍行虎步爰

初投袂日迺勤王電埽番禺雲撤彭蠡剪其元惡定我  
京畿及王賀帝弘質茲冠履既行伊霍周保冲人震澤  
稽塗並懷叛逆獯羯醜由三亂皇都裁命偏師二邦自  
珍薄伐獫狁六戎盡殪嶺南叛渙湘郢連結賊帥既擒  
凶渠傳首用能百揆時序四門允穆無施不服無遠不  
届上達穹昊下漏深泉蛟魚並見謳歌攸屬况乎長誓  
橫天已徵布新之兆璧日斯既實表更姓之符七百無  
常期皇王非一族昔木德既季而傳祚於我有梁天之

歷數允集明哲式遵前典廣詢羣議王公卿尹莫不攸  
屬敬從人祇之願授帝位于爾宮四海困窮天祿允終  
王其允執厥中執儀前式以副溥天之望禋郊祀帝膺  
膺大禮允固洪業豈不盛歟

愚考徐陵傳以上諸文皆陵筆

又命璽書遣兼太保尚書左僕射王通兼太尉司徒左  
長史王瑒奉皇帝璽綬綬終之禮一依唐虞故曰是日  
天子遊於別宮王謙讓再三羣臣固請乃許之永定元

元年冬十月乙亥皇帝即位於南郊祭燎告天曰皇帝  
臣霸先敢用玄牡昭告于皇皇后帝梁氏以圯剝荐臻  
歷運有極欽若天應以命于霸先天肇有黎蒸乃樹司  
牡選賢與能未嘗厥姓有梁末運仍棄邁屯獯醜惡陵  
久移神器承聖在外非能祀夏天未悔禍復罹逆寇嫡  
嗣廢黜宗枝僭詐天地板蕩紀綱泯絕霸先愛初投袂  
大拯橫流重舉義兵實哉多難廢王立帝實有厥功安  
國定社用盡其力是謂小康方期大道既而烟雲表色



日月呈祥除舊布新既彰玄象遷虞事夏且協謳歌九  
域八荒同布衷歎百神羣祀皆有誠願梁帝高謝萬邦  
授以大寶霸先自惟菲薄讓德不嗣至於再三辭弗獲  
許僉以百姓須王萬機難曠皇靈眷命非可謙拒畏天  
之威用膺嘉祚永言夙志能無懃德敬簡元辰升壇受  
禪告類上寄用答眊心永保於我有陳惟明靈尚饗先  
是氛霧雨雪晝夜晦冥至是日景氣清晏禮畢輿駕還  
宮臨太極前殿大赦改元賜百姓爵二級文武二等鰥

寡孤獨不自自存者人殺五斛逋租宿責皆勿復收有  
犯鄉論清議賊污淫盜者皆洗除先注與之更始其長  
徒敕擊持皆原之亡官失爵禁錮奪勞一依舊典又詔  
以江陰郡奉梁帝為江陰王行梁正朔車旗服色一依  
前準梁王太后為江陰國太妃皇后為江陰國妃又詔  
百司各依位攝職丙子幸鍾山祭蔣帝廟戊寅幸華林  
園覽辭訟臨赦囚徒已卯分遣大使宣勞四方

丹府元龜載詔曰梁德不造喪亂積年朕冒沂風塵

馳聘師旅六延梁祀十剪強寇豈曰人謀皆因天啓  
梁氏欽若唐虞推其鼎玉朕東西推讓拜手陳辭天  
命難稽遂享嘉祚言念遷桐但有慙德若有崔蒲之  
盜山谷之首皆從肆赦如或迷途法在無貸今遣使  
人具冥往旨

庚辰詔出佛牙於杜姥宅集四部設無遮大會

隋書刑法志載帝初即位詔曰朕聞唐虞道盛設畫  
象而不犯夏高德衰雖挐戮其未備洎乎末代綱目

滋繁矧屬亂離憲章遺素可搜舉良才柙改科令羣僚博議務存平簡

辛巳追尊皇考曰景皇帝廟號太祖皇妣董太夫人曰安皇后前夫人錢氏為昭皇后世子克為孝惟太子立夫人章氏為皇后癸未尊景帝陵曰瑞陵昭皇后陵曰嘉陵依梁初園陵故事立剛定即判定律令戊子遷景皇帝神主祔於太廟是月西討都督周文育侯安都敗於郢州皆為王琳所獲十一月丙申封王兄子長城縣

侯舊為臨川王頊襲封始興王皇弟子曇朗襲封南康  
王庾中都下火十二月庚辰皇后謁太廟是歲周閔帝  
元年及九月冢宰宇文獲廢閔帝而奉明帝又為元帝  
元年

二年春正月乙未

陳書載詔曰晉之五校鳴茄啓途漢之九卿傳呼並  
列虞官夏禮豈曰同科殷朴周文固無恒格朕膺茲  
寶厯留念官方梁天監中左右鏡騎領朱衣直閣並

給儀從亂離歲久朝典不存後生平少罕聞舊則今  
去左右驍騎宜通文武文用腹心武用功臣所給儀  
從同太子二衛率此外衆官尚書詳為條制

以車騎將軍開封儀同三司侯瑱為司空辛丑祀南郊  
大赦

陳書載赦詔曰西寇自王琳以下並許返迷所慕義  
軍本西寇並宜解遣軍資未送者並停元年年軍糧  
通餘者原平務存優養嚴為法制

甲寅遣中書舍人常鼎策吳興楚王神為帝戊午祀明  
堂二月壬申南豫州刺史沈泰奔齊

陳書載詔曰罰不及嗣自古通典罪疑惟輕布在方  
策沈泰昔有微功仍荷朝寄剖符名郡推轂重藩漢  
口班師還居方岳良田有踰四百食客不止三千無  
故猖狂自投羣醜但令朝廷無我負人其部曲妻兒  
各令復業所在軍人若有恐脅侵掠者皆以刼論若  
有男女口為人所藏並許詣臺申訴若樂於立效者

悉皆聽許

辛卯詔司空侯瑱總督水陸衆軍禦齊三月乙卯辛後  
堂聽訟還于橋上觀山水賦詩示羣臣王琳立梁嘉永  
王蕭莊以奉梁後即位于郢州夏四月甲子祀太廟乙  
丑弒江陰王追諡梁敬帝詔大宰弔祭司空監護喪事  
以梁武林侯蕭諮子季卿嗣江陰王

愚按季卿於武帝為侄孫見鄱陽王恢傳

戊辰重雲殿東鳴尾有紫烟屬天五月乙未都下地震



壬寅立梁邵陵携王廟室祭以太牢辛酉帝幸大莊嚴寺捨身壬戌羣表請還宮六月己巳詔司空侯瑱領軍將軍徐度攻王琳

陳書載秋七月戊戌幸石頭親送瑱等甲辰遣吏部尚書謝哲諭王琳

初侯景之平也太極殿被焚承聖中議欲營之獨闕一柱秋七月有樟木大十八圍長四丈五尺流泊陶家後渚監軍鄒子度以聞詔中書令沈衆兼起部尚書構太

極殿八月

辛未詔臨川王舊西討以舟師五萬發京師幸冶城  
寺親送

周文育侯安都等於王琳所逃歸自劾廷尉即日引見  
宥之並復本官壬午追封王子立豫章王諡曰獻權長  
沙王諡曰思

陳書曰王琳請鎮湘川詔追衆軍緩其攻

丁亥加江州刺史周迪平南將軍開府儀同三司冬十

月庚午遣鎮南將軍周文育都督衆軍出豫章討余孝  
勣乙亥幸莊嚴寺發金光明經題丁酉加高州刺史黃  
法氈平南將軍開封儀同三司十二月甲子幸大莊嚴  
寺設無碍大會捨乘輿法物羣臣備法駕奉迎即日還  
宮丙寅以路寢告成宴羣臣于太極東堂設金石樂丙  
戌加北江州刺史熊曇朗平西將軍開府儀同三司  
是歲梁主莊天啓元年 以明梁之有君忠王琳而  
愧陳霸先也北史內則不書

三年春正月丁酉鎮南將軍廣州刺史歐陽頎即本號  
開府儀同三司是夜大雪及旦太極殿前有龍跡見甲  
子廣州言仙人見於羅浮山寺小石樓

陳書載廣州表稱白龍見于州江南岸長數十丈大  
可八九圍又仙人見於小石樓長三丈所通身潔白  
衣服楚麗

二月辛酉加平將西軍桂州刺史淳于量鎮西大將軍  
開府儀同三司夏閏四月

陳書載唐寅詔吳州晉州去歲蝗旱遣官問民疾苦  
以入臺倉見米分恤

甲午詔依前代置西省學士兼取伎術士是時久不雨  
丙午幸鍾山祭蔣帝廟是日降雨迄於月晦五月丙辰  
朔日有蝕之有司奏舊儀帝御前殿服朱紗袍通天冠  
詔曰此乃前代承用意有未同合朔仰助太陽宜備袞  
冕之服自今永為準乙酉北江州刺史熊曇朗殺都督  
之文育舉兵反王琳遣其將常衆愛曹慶率兵援余孝

勦六子戊子儀同侯安都敗衆愛等於左里獲琳從弟  
嚴主帥羊琬等四十餘人衆愛遁走庚寅廬山民斬之  
傳首建鄴甲午衆軍凱歸丁酉帝不豫遣兼太宰尚書  
左僕射王通以疾告太廟兼太宰中書令謝哲告大社  
南北交辛丑帝小瘳故司空周文育柩至自建昌壬寅  
帝素服哭於廟堂哀甚癸卯帝臨訊獄訟是夜熒惑在  
天尊帝疾甚丙午崩於璿璣殿時年五十七遺詔追臨  
川王禧入鎖大業甲寅殯於太極殿西階八月甲午羣

臣上謚曰武皇帝廟號高祖丙申葬萬安陵帝雄武多  
英畧性甚仁愛及居阿衡恒崇寬簡雅尚儉素常饋不  
過數品私饗曲宴皆无器蟬盤肴核庶羞裁令充足不  
為虛費初平侯景及立敬帝子女玉帛皆班將士其充  
闈房者衣不重采飾無金翠聲樂不列於前踐阼後彌  
厲恭儉故能隆功茂德光於江左云

世祖文皇寄諱禧字子華始興昭烈王道諱長子少沉  
敏有識量美容儀留意經史武帝甚愛之常稱吾家英

秀梁太清初世祖夢兩日闔一大一小大者如滅墜地  
色正橫其大如斗帝三分取一懷之

愚讀談藪載曹魏之文帝亦有此夢可見天下三分  
非偶然也

侯景之亂避地臨安縣郭文舉舊宅及武帝舉兵南下  
景遣吳興太守信都遵收世祖及衡陽獻王出都世祖  
密袖小刀候見景欲圖之及至以付郎中王翻幽守故  
事不遂武帝圖石頭景欲加害數矣會景敗乃得出起



家吳興太守

陳書曰宣城劫帥紀機郝仲等聚眾千餘之侵暴州郡世祖討平之高祖北征廣陵使為前鋒每戰克捷武帝討王僧辯先詔世祖與謀事僧辯塔社龕據吳興兵眾盛甚武帝密令世祖還長城立柵備之龕遣將杜泰乘虛淹至

陳書曰世祖收兵纔數百人戰備又少杜泰領精兵五千掩至

將士相失色世祖言笑自若部分益明衆心乃定

陳書曰秦知柵內人少晝夜苦功世祖激厲將士身  
當矢石相持數旬秦兵走

及武帝遣周文育討龔

陳書曰時龔兵尚衆斷據衝要水步連陣相結

世祖遣將軍劉澄蔣元舉攻下龔拜會稽太守武帝受  
禪立為臨川王夢梁武帝以寶刀授己周文育侯安都  
敗于淳口武帝詔王入總軍改尋命率兵城南晚未定

三年六月丙午武帝崩皇后稱遺詔徵王纂皇統甲寅  
至自南院入居中書省皇后令王嗣膺寶錄

陳書載令曰大行皇帝奄捐萬國率土哀號諸孤藐  
爾旋國無期須立長君以寧寓縣臨川王體自景皇  
屬惟猶子建殊功於牧野敷盛業于戡黎宜奉大宗  
嗣膺寶錄未亡人嬰此百罹興言感絕

王辭讓再三公卿固請其日即皇帝位於太極前殿大  
赦詔州郡悉停奔赴秋七月丙辰尊皇后為皇太后

徐陵集載詔曰朕以虛薄竊守藩維常懼盈滿豈意  
蒼昊不弔國步艱難皇嗣元良藐在清渭二臣奉迎  
川塗靡徙六傳還朝淹留永日今國曷無主家業事  
隆上奉父母嚴規下逼羣臣廷諍遂以庸質升筮帝  
基對揚大化彌增號懼今式遵舊則奉上皇太后尊  
號御慈訓宮一依前典若中流靜晏皇嗣歸來輒當  
解紱岐山之陽歸老瑯琊之國復子明辟還承寶岳  
若問與夷之愧園寢 愚按徐陵此詔委婉正大若

文帝能休斯言則它年不沉衡陽於江矣陳史南史皆不載余亟錄之

辛酉以司空侯瑱為太尉以南豫州刺史侯安都為司空以南徐州刺史徐度為侍中中撫軍將軍開府儀同三司乙丑重雲殿災八月庚戌立皇子伯茂為始興王奉昭烈王後徙始封興嗣王頊為安成王九月辛丑立皇子伯宗為皇太子

愚按既有前詔何為遽立太子武帝子昌已死此矣

王公以下賜帛各有差乙亥立妃沈氏為皇后冬十月  
甲子齊文宣帝殂十一月乙卯王琳攻大雷太尉侯瑱  
司空侯安都儀同徐度禦之是歲扶南國遣使朝貢周  
明帝改天王稱皇帝復建年號曰武成元年

天嘉元年春正月癸丑大赦改元詔賜鰥寡孤猶不能  
自存者粟五斛孝悌力田殊行異等加爵一級甲寅分  
遣使者宣勞四方辛酉祀南郊詔賜民爵一級辛未  
祀北郊二月辛卯老人星見丙申太尉侯瑱敗王琳於

梁山又敗齊兵于北望擒齊將劉伯球俘馘萬計王琳及其主蕭莊奔齊

陳書載戊戌詔曰王琳知慙衛足自貽顛沛縉紳君子多被繫維本之厥理或有負從天網恢恢吞舟是漏至如伏波游說永作漢藩延壽脫歸終為魏守器改秦虞才同晉楚其衣冠士族預在凶黨悉皆原宥將帥戰兵亦同肆害並隨銓才引庶收力用又詔師旅以來將士死王事者並加贈諡又詔衆軍進討舟

艦輸積權倩民丁役勞日久可蠲復夫妻丁身三年  
於役不幸者復其妻子

庚子分遣使者齎聖書宣勞四方

陳書載詔曰自喪亂以來十有餘載編戶凋亡萬不  
遺一兼以寇難頻仍千金日費府藏虛竭杆軸歲空  
近所置軍資本充戎備今元惡充殄兵戈靜戢思俾  
餘黎陶此寬賦今歲軍糧通減三分之一稱朕哀矜  
守宰明加勸課務急農桑



乙巳遣太尉侯瑱鎮益城庚戌立武帝第六子昌為衡陽王三月丙辰蕭莊所署郢州刺史孫瑒舉州內附丁巳江州刺史周迪平南中斬賊帥熊曇朗傳首建鄴戊午齊軍棄魯江城走詔南豫州刺史程靈洗守之丙子沈衡陽王昌於江州丑詔蕭莊所署文武官屬還朝者量加錄序夏四月丁亥立皇子伯信為衡陽王奉獻王後辛丑周冢宰獲弒明帝六月辛巳改謚皇祖妣景安皇后曰景文皇后壬辰詔改葬梁孝元於江寧舊塋

陳書載詔曰梁孝元遭罹多難靈樞播越朕昔經北  
面有異常倫遣使迎接已次近路江寧既是舊塋宜  
即安卜

車騎禮章悉同梁典仍依魏葬漢獻帝故事追午追策  
故始興昭立王妃曰孝妃辛丑以國哀周忌帝臨於太  
極前殿百僚陪哭赦建鄴殊死以下秋七月

陳書載甲寅詔曰朕詔佇賢良發于夢想每有一言  
入聽片善可求何嘗不褒獎抽揚緘書紳帶而滿幣

空陳旌弓不至側食長懷寢食增嘆王公卿士其薦  
賢良中淪滯使樸槎載歌由庚在詠乙卯詔喪亂以  
來亡鄉失土逐食流不者不問喬舊悉令著籍土斷  
之例

丙辰立皇子伯山為鄱陽王八月壬午

陳書載詔曰麥之為用要切斯甚今九秋在即萬寶  
可收其班宣遠近並令播種守宰親臨勸課務使及  
時尤貧者量給種矣未臨景陽殿聽訟

齊孝昭帝廢其主殿而自立戊子詔非兵器及國容所  
須金銀珠玉衣服雜玩悉皆禁斷

陳書載詔曰梁氏末運奢靡已甚葛恭厭于胥史歌  
鍾列於管庫牛木被朱舟車馬飾金玉朕起自諸生  
家敦朴素觀覽時俗常所扼腕今臨區極自安儉陋  
冀俾薄俗獲反淳風自非兵器及國容所須金銀珠  
玉衣服雜玩悉皆禁斷

丁酉辛正陽堂閏武九月癸丑彗星見乙卯周將獨孤

盛領水軍趣巴湘與賀若敦水陸俱進太尉侯瑱自尋  
陽禦之冬十月癸巳侯瑱襲破獨孤盛於楊葉洲盛登  
岸築城自保丁酉詔司空侯安都率衆會侯瑱南拒周  
軍十二月

陳書載乙未詔以古者春夏二氣不決重罪自今孟  
春乞夏首罪人大辟宜且申停

己亥周巴陵城主尉遲憲降庚子獨孤盛潛遁

是歲齊廢帝殷乾明元年又孝昭皇帝建元年

二年春正月庚戌大赦辛未周湘州城主殷良降湘州  
平二月庚寅曲赦湘州諸郡三月己卯太尉湘州刺史  
侯瑱卒夏六月己亥齊人通好秋七月丙午周將若敦  
敦遁歸武陵天門南平義陽河東宜都郡悉平九月甲  
寅詔以故太尉侯瑱故司空侯安都周文育故開府儀  
同三司杜僧明故中獲軍胡穎故領軍陳撮配食武帝  
廟庭冬十月癸丑霍州西山蠻率部內屬十一月甲辰  
齊孝昭帝殂十二月甲申立始興國廟於都下用王者

禮以國用不足立煮海鹽傳及權酷科先是晉州刺史留異應王琳丙戌詔司空侯安都討之是歲高麗國遣使朝貢周武帝保定元年

齊武成帝大寧元年

三年春正月庚戌設帷宮於南郊幣告胡公以配天辛亥祀南郊詔賜民爵一級孝悌力田加一等二月梁宣帝殂閏月己酉以百濟王餘明為撫東大將軍高麗王高湯為寧東將軍江州刺史周迪舉兵應留異甲子段

鑄五銖錢三月丙午安成王頊至自周丁丑以安石將  
軍吳明徹為安南將軍江州刺史督衆軍南討甲申大  
赦庚寅司空侯安都破留異于姚支嶺異奔晉安東陽  
郡平夏四月癸卯曲赦東陽郡乙巳齊人來聘

高僧傳曰文帝時齊遣崔子武等通和議其曉對衆  
莫能與帝以僧洪偃內外優敏敕令往對偃溫雅方  
稜敷述皇猷才調橫逸潤以真文引之慈寄子武等  
皆屈服 愚按南北兩聘皆以僧屈子故詳錄之亦



以嘆儒流鮮才學之士也

秋七月己丑皇太子納妃王氏在位文武賜帛各有差  
孝悌力田為父後者賜爵二級九月戊辰朔日有蝕之  
以待中到仲舉為尚書右僕射丁亥周迪請降

是歲梁孝明帝天寶元年齊河清元年

四年春正月甲申周迪走投閩州刺史陳寶應納之夏  
四月辛討設無碍大會捨身于太極前殿乙卯加驃騎  
將軍揚州刺史安成王瑒開府儀同三司六月癸巳司

空侯安都賜死秋九月壬戌開府儀同三司廣州刺史  
歐陽頴卒癸亥曲赦都下辛未周迪復寇臨川詔護軍  
將軍章昭達詔平之冬十二月丙申大赦詔昭達進軍  
建安討陳寶應

五年春三月辛巳祀北郊壬午詔以故護軍將軍周鐵  
虎配食武帝廟庭夏五月周齊並遣使來聘六月丁未  
夜有白氣二道出北斗東南屬地秋七月丁丑曲赦都  
下九月城西城冬十一月己丑章昭達擒陳寶應留異

送建鄴晉安郡平甲辰以護軍將軍章昭達為鎮軍將軍開治儀同三司十二月甲子曲赦建安晉安二郡討陳寶應將士死王事者並給棺槨還本鄉并復其家癸未齊人來聘

高僧傳曰帝請僧慧勇講經於太極殿百寮與士眾咸萃

六年春正月甲午皇太子加元服王公以下賜帛有曾差孝悌力田為父後者賜爵一級鰥寡孤獨不能自存

者各人五斛

陳書載三月乙未詔侯景以來遭亂移在建安晉安  
義安郡者並許還本土有被畧為奴僕者釋為民

夏四月甲寅以開府儀同三司揚州刺史安成王頊為  
司空五月齊武帝傳位於太子緯自號太上皇帝六月  
辛丑彗星見于上台北周人來聘秋七月癸未有大風  
自西南至廣步百餘步激壞靈臺候樓甲申儀賢堂無  
故自壞丙戌臨州太守駱牙斬周迪傳首建鄴高子朱

金史卷之二十一  
卷十  
崔航八月

陳書載丁丑詔曰梁室多故禍亂相尋無賴之屬暴  
及但寬若其經綸三業縉紳民望忠臣孝子何世無  
才而零落山丘變移陵谷或皆翦伐莫不侵殘玉盃  
得於民間漆簡傳於世載無復五株之樹罕見千年  
之表自大祚光啓恭惟揖讓旂旗服色猶行杞宋每  
車駕巡遊眇瞻河雒喬山之祀蘋藻弗虧驪山之墳  
松栢恒守唯戚藩舊壘士子故塋掩埋未周樵牧猶

衆或親屬流類負土無期子孫冥滅手植何寄漢高  
流於無無忌宋祖惆悵于子房墳墓生哀生靈共惻  
者也朕興言永日思慰幽泉雖前代主侯自古忠烈  
塚冢被發絕無後者可檢行修治墓中樹木勿得樵  
採

己卯立皇子伯固為新安王伯恭為晉安王伯仁為廬  
陵王伯義為江夏王九月新作大航冬十月辛亥齊人  
來聘十二月乙卯立皇子伯禮為武陵王癸亥曲赦都

下

是歲齊後主天統元年

天康元年春二月丙子大赦改元三年己卯以司空安成王頊為尚書令夏四月乙卯皇孫至澤生賜在位文武帛各有差為父後者賜爵一級癸酉帝崩於有覺殿遺詔皇太子可即君臨山陵務存儉速大赦竟羣臣三日一臨分除之制率依舊曲六月甲子羣臣上諡曰文皇帝廟號世祖丙寅葬永寧陵帝起自布衣知民疾苦

國家資用務俱儉約

陳書曰常所謂敝事不獲已者必咨嗟改色

妙識真偽下不容姦一夜內刺閣取外事分判者前後相續每雞人伺漏傳籤於殿中者令投籤堦石上鎗然有聲云吾雖得眠亦令驚覺其自強若此

廢帝諱伯字奉業小字藥王文帝嫡長子梁承聖聖三年五月庚寅生永定二年二月戊辰拜臨川王世子三年文帝嗣位八月庚戌立為皇太子自望室亂離東宮



焚燼太子居於永福省天康元年四月癸酉文帝崩是日太子即皇帝于位太極前殿許赦詔内外文武各復其職遠方悉停奔赴五月己卯尊皇太后曰太皇后庚寅以司空揚州刺史新除尚書令揚州刺史新書令安成王頊為司徒錄尚書都督中外都軍事丁酉以中軍大將軍開府儀同三司徐度為司空以鎮東將軍東揚州刺史始興王伯茂為征東將軍開府儀同三司以吏尚尚書袁樞為尚書左僕射以吳興太守沈欽為右僕

射秋七月丁酉立妃王氏為皇后冬十月庚申享太廟  
十一月乙亥周人來吊是歲高麗國遣使朝貢周天和  
元年

光大元年春正月癸酉尚書左僕射袁樞卒乙亥大赦  
改元賜孝悌力田爵一級

陳書載詔曰朕以冲薄荷茲神器如涉靈海今三元  
改歷萬國充庭清廟無追具僚斯在言瞻宁位觸感  
崩心思播遺恩俾覃黎獻

辛卯祀南郊二月辛亥南豫州刺史余來頃不從執政見殺三月甲午以尚書右僕射沈欽為侍中尚書僕射夏四月乙卯太白晝見五月乙未湘州刺史華皎不從執政丙申以中撫軍大將軍馮子量為征南大將軍摠身師攻之六月壬寅以中軍大將軍司空徐度為車騎將軍總督都下衆軍自步道襲湘州秋七月戊申立皇子至澤為皇太子賜天下為父後者爵一級王公以下賚帛各有差

陳書到仲舉傳載八月詔曰到仲舉庸力小才坐叨  
顯貴受任前朝榮寵隆赫父參王政子據大邦禮盛  
外婚勢均戚里而肆其驕閹凌敖百司過密之初擅  
行國政排黜懿親滅合衮韓子高叢爾細微擢自  
卑末入參禁衛委以腹心蜂蠆有毒敢行反噬仲舉  
子高共為表裏陰構奸謀密為異計安成王朕之叔  
父親莫重焉受命導揚稟承願託以朕沖弱屬事保  
祐國家安危事歸輔宰伊周之重物無異議將相舊

臣咸知宗仰而率聚凶徒欲相掩襲屯據東城進逼  
崇禮規樹仲舉以執國權陵斥司徒意在專政潛結  
党附方危社稷賴祖宗之靈姦謀顯露前上虞令陸  
昉等具告其事並有據驗并剋今月七日縱其凶惡  
領軍將軍明徹左衛將軍衛尉卿寶安及諸人等又  
並知其事二三覈跡彰施朝野反道背德事駭聞見  
今大慙克殲罪人斯得並可收付廷尉蕭正刑書罪  
止仲舉父子及子高三人而已其餘一從曠蕩並所

不問

十月乙巳詔戮華皎家口是月周將元定入郢州與華皎水陸俱進都督淳于量吳明徽等大破之皎單舸奔江陵擒定送建鄴冬十月辛巳曲赦湘巴二州為皎所註誤者十一月甲子中權將軍開府儀同三司王冲卒十二月庚寅以儀同三司兼從事中郎孔英哲為奉聖亭侯奉孔子祀

二年春正月己亥司徒安成王頊進位太傅領司徒加

殊禮以新除征南大將軍淳于量為中軍大將軍及安南將軍湘洲刺史吳明徹即本號並量府儀同三司庶子詔討華皎軍人死王者並給棺槨送還本鄉仍復其家甲子司空徐度卒夏五月丙辰太傅安成王頊獻玉璽一六月丁亥彗星見秋七月壬戌立王弟伯智為永陽王伯謀為桂陽王九月戊午太白晝見冬十月祀太廟十一月甲寅慈訓太后令曰伯宗昔在儲宮本無令問及居崇極遂騁凶淫

陳書曰居處諒闇同知哀戚嬪御卅角就館相仍且  
費引金帛令充椒闥內府中藏軍備國儲未盈葑稔  
皆已空竭

太傅親承顧託義深垣屏而攢塗未御翌日無淹仍遣  
劉師知殷不佞等顯言排斥陰謀禍亂賴元相維持掃  
除君側又以余孝頃密通京師復相徵召宗社之靈妖  
氛是滅於是密詔華皎稱兵上流國祚何惶幾移醜類  
又別敕歐陽紇等攻逼衡州嶺表紛紜殊淹弦望



陳書曰豈止罪浮昌邑非惟聲醜太和

但賊豎皆亡日望懲改而悖禮忘德情性不悛

陳書曰樂禍思亂凶惡無已

溫主侯法喜等太傅麾下恒游府內啗以深利謀與肘  
腋又盪主孫泰等潛相連結大有交通天誘其衷自然  
開發此諸文跡今以相示是而可忍誰不容容豈可復  
肅恭禋祀臨御生靈今可特降為陵海郡王送還蒲鄉  
太傅安成王固天生德齊聖廣深二后表心三靈佇眷

自前朝不豫任摠邦家威惠相宣刑禮並設且地彰靈  
璽天表長彗布新陰除舊禎祥咸顯文皇之子鑿事甚  
帝堯傳弟之懷久待太伯今可還申舊志崇立賢君外  
宜依舊典奉迎輿駕未亡人攬筆潸然兼懷悲慶

愚按廢帝仁弱不克負荷以此廢之足矣無端醜詆  
皆誣詞予故合陳書備錄之以著陳宣之不仁云

是日帝出居別地太建二年四月乙卯殂時年十九帝  
性仁弱無人君之器及即尊位刑政皆歸冢宰故宣太

后稱文帝遺志而廢焉

論曰陳武帝以雄毅之姿屬殷憂之運功存極溺道濟  
橫流應變無方蓋惟人傑及乎西教盪覆江表沾危僧  
辯任同伊尹空結桐宮之恨貞陽入假秦兵不息穆羸  
之泣帝乘隙以舉乃蹈表機王業所基始自於此哉天  
改物蓋有憑云文武以猶子承統情存兢惕加以崇尚  
儒術愛悅文義恭儉行已勤勞濟物志度弘遠有前哲  
之風至于臨下明察得永平之政矣臨海懦弱

陳書曰臨海仁厚懦弱混一是非不驚得喪  
有同帝執文后雖欲不鑒殷道其可得耶

南北史合注卷十